

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-45-28207/25
Sarajevo 03.03.2026 godine

Na osnovu člana 70. stav 1. i 3. Zakona o javnim nabavkama ("Službeni glasnik BiH" broj: 39/14, 59/22 i 50/23), člana 26. Pravilnika o nabavci roba, uvršenju usluga i ustupanju radova broj: 02/12-45-25701/22 od 10.12.2022 godine, Pravilnikom o uvjetima i načinu korištenja e-aukcije ("Službeni glasnik BiH" broj: 80/23), u predmetu javne nabavki "Nabavka samostojećeg vanjskog dvostranog totema sa ugradnjom" – u konkurentskom postupku objavljenom u "Službenom glasniku BiH" broj: 76/25 i na portalu javnih nabavki obavještenje broj: 422-7-1-208-3-271/25 od 15.12.2025. godine, na preporuku Komisije za javne nabavke roba i usluga, Općinski načelnik, donosi

ODLUKU **o poništenju postupka javne nabavke**

1. Poništava se postupak javne nabavke u predmetu – "Nabavka samostojećeg vanjskog dvostranog totema sa ugradnjom", u konkurentskom postupku objavljenom u "Službenom glasniku BiH" broj: 76/25 i na portalu javnih nabavki obavještenje broj: 422-7-1-208-3-271/25 od 15.12.2025. godine a u skladu sa članom 69. stav (2) tačka d). Zakona o javnim nabavkama BiH.
2. Zadužuje se Služba za zajedničke poslove, da obavijesti učesnike o donošenju Odluke o poništenju postupka javne nabavke.
3. Protiv ove Odluke dozvoljena je žalba u roku od 5 dana od dana prijema iste .

Obrazloženje

Postupak javne nabavke – "Nabavka samostojećeg vanjskog dvostranog totema sa ugradnjom", pokrenut je u skladu sa članom 18. Zakona o javnim nabavkama, u konkurentskom postupku, objavljenom u "Službenom glasniku BiH" broj: 76/25 i Portalu javne nabavke br. 422-1-1-129-3-172/25 od 11.09.2025. godine.

Zapisnikom sa otvaranja ponuda od 26.12.2025.godine, konstatovano je da je zaprimljena jedna blagovremena ponude i to ponuda ponuđača;

1. EDUTEH d.o.o. SARAJEVO

sa ponudom u iznosu 26.750,00 KM bez PDV-a odnosno 31.297,50 KM sa PDV – om.
Izvršetakom i preporukom Komisije za javne nabavke roba i usluga utvrđeno je sljedeće:

Komisija je analizom pristigle ponude, odnosno dokumentacije kojom ponuđač dokazuje kvalifikacije za učešće u ovom postupku utvrdila da ponuda ponuđača EDUTEH DOO SARAJEVO ne ispunjava uslove specificirane tenderskom dokumentacijom iz tačke 4.2.1. pod g) a u vezi sa tačkom 3.4.1. pod a) glasi " Lista izvršenih ugovora ponuđača da je u protekle tri kalendarske godine uspješno izvršio najmanje jedan ugovor koji za predmet ugovora ima isti ili sličan predmet nabavke vrijednosti najmanje 30.000,00 KM sa PDV-om.

Uz spisak izvršenih ugovora ponuđač je dužan dostaviti potvrdu za najmanje jedan ugovor koji za predmet ugovora ima isti ili sličan predmet nabavke vrijednosti najmanje 30.000,00 KM sa PDV-om, koje su izdale ugovorne strane, a koje obavezno sadrže naziv i sjedište ugovornih strana ili privrednih subjekata, predmet ugovora , vrijednost ugovora, vrijeme i mjesto izvršenja ugovora i navode o uredno izvršenim ugovorima..

U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede.

Naime, ponuđač EDUTEH d.o.o. Sarajevo u sastavu ponude nije dostavio traženu potvrdu o urednom izvršenju za najmanje jedan ugovor koji za predmet ugovora ima isti ili sličan predmet nabavke vrijednosti najmanje 30.000,00 KM sa PDV-om već je na stranici ponude označenoj SG18 dostavio Izjavu : Tehnička i profesionalna sposobnost za Ugovor koji je realizovan sa United Childrens Fund UNICEF BIH, bez da je dostavljen dokaz od strane ponuđača o učinjenim pokušajima da se takva potvrda obezbijedi od ugovorne strane United Childrens Fund UNICEF BIH Office kako je to zahtjevano tačkom 3.4.1. pod a) tenderske dokumentacije.

Pored navedenog, ponuđač je u sastavu ponude, na stranicama od SG 19 do SG 41 dostavio dokumente Narudžbu br: 81124174 od 05.09.2023.godine, Potvrdu narudžbe i Aneks A Ugovora koji ne predstavljaju traženi dokaz o urednom izvršenju ugovora, i koje nisu prevedene na jedan od službenih jezika u Bosni i Hercegovini a što je u suprotnosti sa tačkom 4.1.3. tenderske dokumentacije koja glasi „Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Štampana literatura, brošure, katalogi ili slično koje dostavlja ponuđač moraju biti prevedeni.

Imajući u vidu naprijed navedeno, ponuda ponuđača EUDTEH d.o.o. Sarajevo se odbacuje kao neprihvatljiva u skladu sa članom 68. stav (4) pod tačkom i) Zakona o javnim nabavkama BiH i tački 4.1.1. tenderske dokumentacije.

Obzirom da se radi o konkurentskom postupku, objavljenom u Službenom glasniku BiH, br. 76/25 i Portalu javne nabavke broj obavještenja : 422-7-1-208-3-271/25 od 15.12.2025. godine, da je dostavljena jedna ponuda koje ne ispunjavaju uslove specificirane tenderskom dokumentacijom, to je na Preporuku Komisije za javne nabavke roba i usluga, shodno članu 69. stav 2. tačka d) Zakona o javnim nabavkama, odlučeno kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

Obradila:

Komisija za javne nabavke roba i usluga

DOSTAVITI:

1. Služba za zajedničke poslove
2. U spis

